



# BREF RECIT DV PROCES D'EN-

*tre Noble & discret, M. Phelippes Iacquelot, Doyen & Chanoine en l'Eglise collegialle de Monsieur saint Martin d'Angers, Aduocat en Parlement deffendeur.*

## CONTRE,

*Maistre Martin Huau deuolutaire demandeur & complaignant pour le posseffoire dudit benefice d'autre.*

**L**E deuolutaire, pour paruenir à ses fins employe trois moyens de vacance.


Le premier par le decez de feu Noble & discret, Maistre Iean Iacquelot, Conseiller du Roy au siege Presidial d'Angers, & dernier paisible posseffeur dudit benefice.

Le second, par la nullité des prouisions du deffendeur.

Le troisieme, par son incapacité & d'effaut d'age.

Auparauant y d'effendre, l'on peut impugner tel deuolu, cōme chose extraordinaire d'en obtenir a la Chancellerie, auparauant iugement & declaration qui ayt meū le Prince collateur de l'octroyer, & en tout cas deuoit estre restrainct *ad certum vacationis genus*, Ce que vous Nosseigneurs, considererez de vostre Iustice.

A





2

Donc, sans si arrester dauantage, & respondre d'ordre ausdits moyens de ce subreptice deuolu.

Pour la vacation *per obitum* c'est vn faux faict: Car la verité est, que ledit feu Ieã Iacquelot, auoit resigné audit deffendeur son nepueu entre les mains du Roy, & de Monseigneur le Châcellier, auquel comme Duc d'Anjou, la collation dudit benefice appartient. La resignation est admise l'vnzième Mars 1611. & le resignataire receu le quatorziesme Septembre 1612. au contentement de tout le Chapitre, le resignant encores viuant.

Le lendemain quinzième Septembre, les Sieurs Chantre, Chanoines, & Chapelains de ladicte Eglise, visiterent le resignant malade, & luy administrerēt les saincts Sacremens, C'est pourquoy par l'acte du reffus dudit deuolutaire, lors que au mois de Ianuier dernier, il se presenta, ils luy ont en verité respondu que le lieu estoit remply de la personne du resignataire, le resignant estant encores viuant.

Et est la pure verité, que le resignant auroit vescu plusieurs iours apres la reception dudit resignataire.

Or par l'oppinion des anciens & modernes canonistes & par Arrestz des Cours Souueraines, il ny à lieu de vacâce par mort lors que le resignataire ( viuant le resignant ) prend possession dedans les trois ans ainsi qu'a fait ledit deffendeur.

Le deuolutaire, par son second moyen, pretend les prouisions du resignataire nulles comme sur-années,



& signées d'un Secretaire autre que Secretaire d'Estat.

Pour la sur-annation, comme à esté dict cy dessus, les prouisions & collations des benefices par résignation, demeurent en leur entier & vigueur par le tēps de trois ans, pourueu que dedans ledit temps, les resignataires (viuant le resignant) prennent possession.

La prouision du deffendeur resignataire est expediee l'vnziesme Mars 1611. Au mois de Nouembre suyuant, allāt à Poytiers continuer ses estudes en droict, passe procuration en qualité de Doyen, au Sieur Ronflé Prestre, pour en prendre possession.

Le Procureur execute son *mandat* le 14. Septembre 1612. *vinente resignante* l'acte intermediere dudit mois de Nouembre, interuertiroit la sur-annation si aucune estoit à considerer.

Quand à la signature d'un Secretaire d'Estat, elle est requise par les Arrests & Iugemens souuerains, ~~font~~, (*noua iure*) és nominations des Eueschez, Abbayes, & autres electifs, & en collations des benefices vaccans par mort en regalle, Pelleus, Chenu, Charondas, & autres, és recueils des Arrests, responce de droict.

La raison est, que telles nominations & collations susdites, sont affectées & comme attachées à la Couronne & personne du Roy, sans qu'autre y puisse pouruoir.

Le Duché d'Anjou n'est incorporé inseparablement à la Couronne, mais ordinairement se donne



en appanage à Nosseigneurs enfans de France, & transmissible par heritage perpetuel à leurs hoirs masles, lesquels comme vraz fondateurs, ont tout droit de plainement conferer lesdits benefices sous leur seel & seing de leurs Secretaires qui ne sont Secretaires d'Estat, ou de tel autre que bon leur semble.

Le nombre est infiny de semblables prouissions és archives de S. Martin & de S. Lau, de fondation des Ducs d'Anjou, & s'en trouue dudit Doyenné expediées sous le seel des Commisaires desdits Ducs, & seing des Notaires Royaux d'Angers, Comme la prouision de maistre Iean d'Ingrâde, en l'an 1389. Doyen de ladite Eglise, & de M. Olliuier Iuayn aussi Doyen, du 10. May mil quatre cens quatre vingts dix.

Et lors que deffaillant les Ducs d'Anjou, le Roy y confere par resignation: le resignataire s'adresse à tel Secretaire d'Estat ou autre qu'il cognoist, & le trouue plusieurs resignatiōs expediées sous les feuz Rois de bonne memoire, Henry troisieme, & Henry le Grād, mesme de la Chāterie de ladite Eglise, signées Nicollas, Boucherie, & autres qui ne sont Secretaires d'Estat.

Et ores que ledit Doyenné fust en collatiō du Roy, comme fondateur, il ne viendrait en contrebalance aux susdites nominations, ny collatiōs en regalle des benefices de fondatiō Royale, la collation appartient au Roy, *iure priuato*, comme a plusieurs autres Seigneurs en ce Royaume, és Eglises de leur fondation



tion & s'expedient *iure communi*, indifferemment par messieurs les Secretaires : Lesdictes nominations & collations en regalle appartiennent à la Couronne par vn droit singulier, & y à apparence que les expéditions en soient vendicquées par messieurs les Secretaires d'Estat, comme plus proches du Roy, *ex ore cuius, & motu proprio*, elles doiuent proceder sans aucune entremise : donc la clause apposée en quelques expéditions, és presences ou en faueur, nuisent aux impetrans, comme denotant vne ambitieuse importunité, plustost qu'un propre mouuement du Prince, & encore tel droit par lesdits Arrests, n'est attribué à mesdits Sieurs Secretaires d'Estat, que lors qu'il y a vacance par mort & non par resignation, cōme doctement est raporté par Carondas, Pelleus, & autres.

- L'auctorité des expéditions procede de l'image du Prince, engraüée en son seel, & aplicquée par Monseigneur le Chancelier, que les doctes appellent, *Os & imaginem Principis*.

Donc telle nullité mise en auāt par ce deuolutaire, touche plustost la dignité & pouuoir de Mōseigneur le Chancelier, & le droit de Messieurs les Secretaires de la Chancellerie, que le deffendeur qui à suiuy le droit commun guaranty de l'auctorité de celuy, *qui verus est legum custos*.

Le troisieme poinct de ce deuolu, semble estre fondé en deux chefs, sçauoir l'incapacité, & deffaut d'âge du deffendeur.



Si le deuolutaire vouloit attaquier la cōdition personnelle du resignataire, ilz se trouueroiēt de qualité bien differēte : l'acquelot resignataire est issu de pere, ayeulz, oncles, grāds oncles, parens & allicz, Nobles, & honorez de charges plaines d'honneur, en l'Eglise, Iustice, Armées, domestiques de Roys, & grāds Princes, & le deffendeur espere ne deroger à la vertu de ses ancestres.

Au contraire, le deuolutaire est de parēs incogneuz & pour sa personne ignorant, nourry vallet en des maisons communes d'Angers, confidentiere mesme du benefice dont est question, chose toute notoire en ladite ville.

S'il pretend debattre la qualité d'Ecclesiastique du dict deffendeur, & qu'elle le rend incapable du dict benefice.

Il vous plaira Nosseigneurs cōsiderer, que le deffendeur est Clerc tonsuré, & à *suo Episc.* Car encore qu'il soit né & baptizé à Nantes, par la calamité des guerres dernieres, il à tousiours esté des les berceau nourry en Anjou, suiuy le domicile de ses pere & ayeulx qui est audit pays de temps immemorial, & à esté le deffendeur, réputé mesmes aux Vniuersitez Angeuin, & non autre. *Ideo Episc. Andegau. suus est (Rebusf.)*

Le deuolutaire, lors qu'il se presenta au Chapitre pour estre receu, ne fist apparoir d'aucune qualité Ecclesiastique, encore qu'il eust esté sommé d'exhiber sa tonsure.

Par son deuolu, il se dict Clerc tōssuré du Diocese



d'Anjou, & par actes produicts au proces, du Diocese du Mayne, & partant il est de diuers Dioceses, chose reprobuée par les saincts Canons, qui rend ledit deuolu nul.

Pour le deffaut d'âage, le resignataire est de present Aduocat en Parlement, âgé de 18. ans, âage plus que capable du benefice, qui ne requiert au plus que 14. ans, comme sera dict cy apres.

L'on ne peut avec raison luy opposer la disposition du Chapitre, *Cū in cunctis § Inferiora de elect. in antiquis.*

Car outre qu'il y a esté derogé par le concordat ledit texte reçoit plusieurs exceptions, & premirement pour les dignitez qui ne sont de fondation, ains seulement par disposition des Clercs habitez & seruans en l'Eglise.

Le fondateur de l'Eglise de S. Martin, qui estoit le Compte Foucques, n'a ordonné en ladite Eglise aucun Doyen, & seulement treze Chanoines qui depuis ont fait vn Doyen, & luy ont baillé deux prebendes, & se peut dire que ledit Doyené n'est que double Chanoinye: & par ce moyé de treze sont demeurés seulement dix Chanoines, vn Doyen, & vn maistre de Sallette, auquel ledit Chapitre à affecté vne prebende.

Autre & seconde exception, est pour les dignitez & Doyennez ruraux tels sont les Doyennez de saint Lau & S. Martin, *qui pari passu ambulans.*



Car lors des edifications desdictes Eglises, elles estoient hors la ville, comme sont encores a present la plus part des parroissiens d'icelles, & mesmes ladite Eglise de saint Lau.

Outre lesdites exceptions, l'on limite ledit § *inferiora* pour les dignitez & Doyennez és Eglises Cathedrales, & autres vraiz Ecclesiastiques qui ont charge d'ames, & qui requierent dedans certain temps l'Ordre de Prestrise, & par le vray intellect dudit §. l'âge de 25. ans requise, n'est que pour paruenir à ladicte promotion.

Tout ce que dessus cesse en la dignitté dont est questiō, Car elle n'est d'Eglise Cathedrale & n'a charge d'ame, ny ne requiert l'Ordre de Prestrise, & plus n'est vray benefice Ecclesiastique.

Les Docteurs canonistes duMoulin, Ruzé, Gomes, Rebuffe, & autres, tiennent que, *verè beneficia sunt illa solum quæ ab Ecclesiasticis conferuntur, & quæ possunt deuolui ad papam*, & quand aux benefices qui sont en la disposition & collation d'autres que personnes d'Eglise, que telz *non sunt verè beneficia Ecclesiastica sed prophana & pia legata magis, quam beneficia*, de quelque eminence qu'ils soient.

Et que tels benefices ne sont subiects audit Chapitre, *cum in cunctis § Inferiora*, ny à autres constitutions du Pape, & qui despendent de la volonté des collateurs, laquelle ne se peut chāger ayant esté executée, comme il est en la personne du resignataire,

reçeu



reçu au parauant le datte du deuolu.

Et fuffist par l'oppinion de tous les canonistes que lefdits fondateurs laiz qui ont la plainne collation conferent à Clercs tonsurez, âagez de sept ans.

Ce que l'on extend mesme és collations du Roy, pour les prebendes des Eglises Cathedralles qui ont vacqué en regalle, & le deffaut d'âage se limite au deffous de sept ans, Ruzé, *traicte de iure regal.* Rebuff. *de pacif.* du Moulin, *de Infir.* Charond. en ses responcez, & Pelleus, en ses actions forenses, & à toute rigueur dix ans és collegialles, & 14. ans aux Cathedralles sont plus que suffisans.

Es archiues de l'Eglise sainct Martin, y à vn vieil tittre de plus de trois cens ans, qui à tousiours serui de loy & de regle pour receuoir les Doyés au deffous de 20. ans, & est vne ancienne obseruance, d'autant que ledit Doyen n'a aucune charge d'ame, & est benefice simple.

Le deffunct resigant qui avec honneur, à faict la charge de Doyen quarante cinq ans, & plus fut reçu au deffous de ladite aâge n'ayant aucun degré, & au parauant luy, autres y auoient esté receuz sans aucun degré, & moins âagez que le deffendeur.

Telle longue obseruation doit fermer la bouche audit deuolutaire, duquel les prouisions sont subreptices & obreptices.

Il n'a donné à entendre que le deffendeur eust dix huiet ans, & seulement en termes generaux allegue



vn deffaut d'âage qui se doit entendre au deffous de sept ans, comme à esté dict cy dessus.

Malicieusement a recelé, que le resignataire eust esté receu *una voce nemine contradicente*, & auoit actuellement exercé.

Et outre n'a déclaré que luy deuolutaire, possède vn benefice regullier, & qu'il c'est cy deuant dict du Diocefe du Mayne, & peut le resignataire maintenir que partie aduerse doit encourir les peines de ceux *qui uiuentis benef. imp.*

En fin vn deuolutaire odieux veut chasser le resignataire receu & aprouué de ceux de ladicte Eglise, & de tous autres Ecclesiastiques dudict pays, gens d'honneur & de merite.









